

# ЎТМИШГА НАЗАР

3 ЖИЛД, 1 СОН

---

# ВЗГЛЯД В ПРОШЛОЕ

ТОМ 3, НОМЕР 1

---

# LOOK TO THE PAST

VOLUME 3, ISSUE 1



**Бош муҳаррир:**  
**Главный редактор:**  
**Chief Editor:**

**Мургазасва Раҳбар Хамидовна**  
тарих фанлари доктори, профессор,  
Ўзбекистон Миллий Университети

**Бош муҳаррир ўринбосари:**  
**Заместитель главного редактора:**  
**Deputy Chief Editor:**

**Джураева Нилуфар Далибаевна**  
тарих фанлари номзоди, доцент,  
Ўзбекистон Жаҳон Тиллари Университети

**"Ўтмишга назар" журнали тахририй маслаҳат кенгаши**  
**редакционный совет журнала "Взгляд в прошлое"**  
**Editorial Board of the Look to the past**

**Кебадзе Мадонна**

*Доктор исторических наук, Телавский  
государственный университет (Грузия)*

**Бурдиашвили Майя**

*Доктор исторических наук, Телавский  
государственный университет (Грузия)*

**Кожакеева Ляззат Темировна**

*тарих фанлари доктори, доцент,  
Хотин-қизлар давлат педагогика университети,  
Қозоғистон Республикаси*

**Сагдуллаев Анатолий Сагдуллаевич**

*тарих фанлари доктори, профессор, академик,  
Ўзбекистон Миллий Университети*

**Бобожонова Дилором Бобожонова**

*тарих фанлари доктори, профессор, Ўзбекистон  
Жаҳон Тиллари Университети*

**Зияева Доно Хамидовна**

*тарих фанлари доктори, профессор,  
ЎЗР ФА Тарих институти*

**Аширов Адҳам Азимбаевич**

*тарих фанлари доктори, профессор,  
ЎЗР ФА Тарих институти*

**Агзамова Гулчехра Азизовна**

*тарих фанлари доктори, профессор,  
ЎЗР ФА Тарих институти*

**Халикова Раҳбар Эргашевна**

*тарих фанлари доктори, профессор, Тошкент  
давлат техника университети*

**Ишанходжаева Замира Райимовна**

*тарих фанлари доктори, профессор в.б.,  
Ўзбекистон Миллий Университети*

**Кобзева Ольга Петровна**

*тарих фанлари доктори, профессор в.б.,  
Ўзбекистон Миллий университети*

**Одилов Аброр Анварович**

*тарих фанлари номзоди, доцент, Ўзбекистон  
Миллий университети*

**Ерметов Аваз Абдуллаевич**

*тарих фанлари номзоди, доцент, Ўзбекистон  
Миллий Университети*

**Саипова Камола Давляталиевна**

*тарих фанлари номзоди, доцент, Ўзбекистон  
Миллий Университети*

**Джоробекова Айнура Эшимбековна**

*тарих фанлари номзоди, профессор, Тошқи  
ишлар вазирлиги қошидаги Дипломатия  
академияси, Қозоғистон Республикаси*

**Ульжаева Шохистахон Мамажоновна**

*тарих фанлари доктори, Тошкент Кимё -  
Технология Институтида*

**Саҳифаловчи:** Хуршид Мирзахмедов

**Контакт редакций журналов. [www.tadqiqot.uz](http://www.tadqiqot.uz)**

ООО Tadqiqot город Ташкент,  
улица Амир Темура пр.1, дом-2.

Web: <http://www.tadqiqot.uz/>; Email: [info@tadqiqot.uz](mailto:info@tadqiqot.uz)  
Тел: (+998-94) 404-0000

**Editorial staff of the journals of [www.tadqiqot.uz](http://www.tadqiqot.uz)**

Tadqiqot LLC The city of Tashkent,  
Amir Temur Street pr.1, House 2.

Web: <http://www.tadqiqot.uz/>; Email: [info@tadqiqot.uz](mailto:info@tadqiqot.uz)  
Phone: (+998-94) 404-0000

# МУНДАРИЖА \ СОДЕРЖАНИЕ \ CONTENT

<b>1.Муртазаева Раҳбар, Адиллов Аббор, Саипова Камола</b> ЎРТА ОСИЁДА ТОЛЕРАНТЛИК ТАМОЙИЛИНИНГ ШАКЛЛАНИШИ ВА РИВОЖЛАНИШИ (ҚАДИМГИ ВА ИЛК ЎРТА АСРЛАР МИСОЛИДА).....	4
<b>2.Эргашева Юлдуз</b> ЎЗБЕКИСТОНДА "МАДАНИЙ ИНҚИЛОБ" СИЁСАТИ ВА УНИ АМАЛГА ОШИРИШ УСУЛЛАРИ.....	22
<b>3.Абдуллаев Диёржон</b> АМИР ТЕМУР ВА ТЕМУРИЙЛАР ДАВРИДА ХАЙРИЯ ВА ҲОМИЙЛИК ФАОЛИЯТИ.....	30
<b>4.Bakhtiyorzoda Oydinhon</b> ZAMONAVIY BOSQICHDA O'ZBEKISTON OLTIN QAZIB Olish SANOATINI RIVOJLANTIRISH ISTIQBOLLARI.....	37
<b>5.Комилов Ойбек</b> ФАРҒОНА ВОДИЙСИДА СУҒОРИШ ИШЛАРИНИНГ ПАХТАЧИЛИКНИ РИВОЖЛАНТИРИШГА ЙЎНАЛТИРИЛГАНЛИГИ ВА УНИНГ ОҚИБАТЛАРИ (XX АСРНИНГ 50-70-ЙИЛЛАРИ МИСОЛИДА).....	42
<b>6.Маткаримов Хамиджон</b> ХОРАЗМ ВОҲАСИДА ҚАДИМГИ ДАВРГА ОИД АРХЕОЛОГИК ТАДҚИҚОТЛАРИНИНГ АСОСИЙ ЙЎНАЛИШЛАРИ.....	49
<b>7.Махмудов Бехзод</b> ҚАРЛУҚ-ҚОРАҲОНЛАР ДАВЛАТИНИ ЮЗАГА КЕЛИШИНИНГ ИЖТИМОЙ-СИЁСИЙ ОМИЛЛАРИ.....	59
<b>8.Рузматова Шаходат</b> Қўқон хонлиги ҳудудидаги шаҳарлар ва аҳолининг ГЕОГРАФИК ЖОЙЛАШУВИ.....	66
<b>9.Ҳамаев Нодирбек</b> ТУРКИСТОНДА СОВЕТ ҲОКИМИЯТИГА ҚАРШИ ҚУРОЛЛИ ҲАРАКАТ ("YENI TÜRKİSTAN" ВА "YAŞ TÜRKİSTAN" МАТЕРИАЛЛАРИ АСОСИДА).....	72
<b>10.Тажимирзаев Элёрбек</b> ФАРҒОНА ВОДИЙСИ ҚИШЛОҚ ЎҚИТУВЧИЛАРИНИНГ МАДАНИЙ-МАИШИЙ ТУРМУШ ТАРЗИ МАСАЛАЛАРИ (1960-1980 ЙИЛЛАР).....	79
<b>11.Эгамбердиева Нигора</b> АМУДАРЁНИНГ ҚУЙИ ОҚИМИДА СУНЪИЙ СУҒОРИШ ТИЗИМИНИНГ ШАКЛЛАНИШ ТАРИХИ ВА УНИНГ ЎЗИГА ХОС ЖИҲАТЛАРИ (МИЛ.АВВ.VIII- МИЛОДИЙ IV АСРЛАР).....	85
<b>12.Абдулхай Гулчехра</b> ТУРКИСТОН АССР: ҚАНДАЙ ДАВЛАТ БЎЛИШИ КЕРАК ЭДИ?.....	96

# ЎТМИШГА НАЗАР ВЗГЛЯД В ПРОШЛОЕ LOOK TO THE PAST

Гулчехра Уразалиевна Абдулхай

Ўзбекистон Республикаси Фанлар Академияси Тарих институти  
Таянч докторанти E-mail: abdulxay.gulchexra@mail.ru

## ТУРКИСТОН АССР: ҚАНДАЙ ДАВЛАТ БЎЛИШИ КЕРАК ЭДИ?

*For citation: Gulchekhra Urazaliyevna Abdulxay. TURKESTAN ASSR: WHAT KIND OF STATE IT SHOULD BE?. Look to the past. 2020, vol. 1, issue 3, pp. 96-107*

 <http://dx.doi.org/10.26739/2181-9599-2020-1-12>

### АННОТАЦИЯ

Мазкур мақолада 1918-1924 йилларда миллий ва русийзабон нашрларда большевиклар томонидан Туркистонга "Автономия" бериш орқали ўлкада совет бошқарувини мустақамлаш борасидаги фаолиятлари ақс этган мақолалар таҳлил қилинади. Шунингдек, Ўрта Осиёни миллий чегаралаш Туркистон аҳолиси учун аҳамиятли бўлганлиги аммо бу масала улар учун четлаштириб қўйилганлиги кўрсатиб берилган. Мақолада Совет ҳокимияти учун Туркистонни миллий ҳудудларга бўлиб, уларни идора қилиш борасидаги фаолиятлари ўрганилган. Мақолада Совет матбуоти бўлган "Наша газета", "Голос крестьянина", "Голос Самарканда", "Советский Туркестан", "Иштирокиюн", "Улуғ Туркистон", "Хуррият" нашрлари асосий манба бўлиб хизмат қилади.

**Калит сўзлар:** "Қўқон мухторияти", буржуазия, Туркистон, автономия, пролетарият, матбуот, совет ҳукумати, большевик, ислоҳот, миллий-худудий чегараланиш, давлат, демократия, миллий, съезд.

Гулчехра Уразалиевна Абдулхай

Институт истории Академии Наук Республики Узбекистан Базовый  
докторант E-mail: abdulxay.gulchexra@mail.ru

## ТУРКЕСТАНСКАЯ АССР: КАКОЙ ГОСУДАРСТВО ДОЛЖНО БЫЛА БЫТЬ?

### АННОТАЦИЯ

В данной статье анализируется работа большевиков по укреплению советской

власти в стране путем предоставления автономии Туркестану в национальных и российских изданиях в 1918-1924 гг. Также было показано, что государственная граница Центральной Азии была важна для народа Туркестана, но этот вопрос был исключен из них. В статье исследуется деятельность советской власти в Туркестане по управлению и управлению своими территориями. В качестве основного источника рассматривались такие СМИ, как "Наша газета", "Голос крестьянина", "Голос Самарканда", "Советский Туркестан", "Иштирокиюн", "Улуг Туркистон", "Хуррият".

**Ключевые слова:** "Кокандская автономия", буржуазия, Туркестан, автономия, пролетариат, пресса, советское правительство, большевизм, реформа, национально-территориальная граница, страна, демократия, национальность, конгресс.

**Gulchekhra Urazalievna Abdulxay**

Institute of History of the Academy of Sciences of the Republic of Uzbekistan

PhD student E-mail: abdulxay.gulchekhra@mail.ru

## TURKESTAN ASSR: WHAT KIND OF STATE IT SHOULD BE?

### ABSTRACT

This article analyzes the work of Bolsheviks on strengthening Soviet rule in the country by granting autonomy to Turkestan in national and Russian publications in 1918-1924. It has also been shown that the national boundary of Central Asia was important to the people of Turkestan, but this issue was excluded from them. The article explores the activities of Turkestan for the Soviet authorities in managing and managing their territories. Press medias such as "Наша газета", "Голос крестьянина", "Голос Самарканда", "Советский Туркестан", "Иштирокиюн", "Улуг Туркистон", "Хуррият" were considered as the basic source.

**Index Terms:** "Kokand autonomy", bourgeoisie, Turkistan, autonomy, proletariat, press, Soviet government, bolshevist, reform, national-territorial border, country, democracy, national, congress.

### 1. Долзарблиги

Туркистон Мухториятининг тор-мор этилиши ҳамда ўлкада вужудга келган зиддиятли шароитда большевиклар Туркистонда ўз ҳуқумронликларини ўрнатиш масаларида марказдан келган кўрсатма ва буйруқлар асосида ҳаракат олиб бордилар. Шундай ҳаракатлардан бири Туркистонга мухторият яъни, "Автономия" бериш масаласи эди.

Советларнинг III-IV ўлка съезларида Туркистонга мухторият бериш муҳокама қилинган эди. Ушбу съездларда миллатларнинг ўз тақдирларини ўзлари белгилаш масаласи большевикларнинг дастури асосида кўриб чиқилган эди. Совет ҳокимияти ўзлари билан Туркистонни боғлашнинг воситаси бу автономияни жорий қилиш эканлигини тушуниб етди. Аммо бу масалани шошмасдан ҳал этишни мақул кўрди. "Совет ҳокимиятининг навбатдаги вазифаси, - деб ёзган эди Г.Сталин, - автономияни рад қилиш эмас, балки уни тан олишдир. Фақат бу автономияни маҳаллардаги Советларга асосланиб қуриш зарур, холос!" [1, Б. 32].

Шу ўринда бир савол туғилади. "Автономия" ўзи луғавий маъносига кўра қандай маънони билдиради?

Автономия - (юнонча autos-ўзини, nomos қонун) хусусий қонуният табиатига мувофиқ, ўз ақли ва кучи асосида, яшаш, фаолият юритиш деган маънони англатади. Ижтимоий маънода автономия мухториятни англатади [2]. Демак, "автономия" бирон-бир давлат таркибида ўз-ўзини идора қилувчи миллий давлат тузилиши бўлиб, ўз конституция доирасида ўзини мустақил ва сиёсий равишда идора этади. Бунда ҳокимият органлари, суд тизими, прокуратура органлари мавжуд бўлиб, мактабларда таълим миллат тилида олиб борилади.

## **2. Методлар ва мавзунинг ўрганилганлик даражаси:**

Мақола умум қабул қилинган тарихий методлар-тарихийлик, қиёсий-мантиқий таҳлил, кетма-кетли, холислик тамойиллари асосида ёритилган.

## **3. Тадқиқот натижалари**

Марказ томонидан 1918 йилда ўлкадаги вазиятни ўрганиш ва совет типдаги автономиянинг моҳиятини тарғиб этиш учун Туркистонга Н.А.Кобозев бошчилигида РСФСР Миллатлар халқ ишлари комиссарлигининг вакиллари бўлган А.Ш.Клевлеев ва Х.Иброҳимов юборилдилар. Улари матбуот саҳифаларида Туркистонга совет типдаги автономия бериш ғояларини тарғиб қилиш ҳамда советларнинг V ўлка съезди ва сайлов кампаниясига тайёргарлик масаласини муҳокама қилишни бошладилар. Уларнинг тарғиботи ва ўлкадаги фаолияти асосан русийзабон совет нашрларида[3] ва кам миқдорда миллий матбуот[4] саҳифаларида чоп этилди. Жумладан, "Хуррият" газетасининг 1918 йил апрель ойидаги сонидан шундай дейилади: "Тошкентда 20 апрелдан бошлаб советлар съезди очилди. Ушбу съездда "Туркистон жумҳурияти" эълон қилинур эмиш. Мунинг тафсилоти "Хуррият" нинг келасида ёзармиз" [5]."

Большевикларнинг наشري бўлган "Наша газета"да эса "Туркестанская автономия" [6] номли катта мақолани тарғибот материали сифатида баҳолаш мумкин. Мақолада "Кўқон Мухторияти" "... ўзбошимчалик билан мусулмон буржуазияси томонидан тузилган, халқга октябрь инқилоби берган озодликни мухторият тортиб олмоқчи бўлганлиги, мусулмон пролетариати ва мазлум меҳнаткашларни йўлдан урганлиги, ўз томонларига оғдиришга уринаётганлиги" каби асосиз фикрлар айтилди. Шунингдек, мақолада ўша даврда миллий ишлар бўйича халқ комиссари И.Сталиннинг қўйидаги фикрлари баён қилинади: "Ҳеч қандай миллатчиликка йўл қўйилмасин, бу миллатлараро миллий низолар келиб чиқишига йўл очиб беради.", "Туркистон автоном ўлкасини ташкил қилиш тўғрисида ҳужжатлар йиғиш, тайёрлаш, автоном вилоятлар съездларини чақириш, меҳнаткашларни совет ҳокимияти атрофида жипслаштиришдан иборат. Россия Совет Федератив Республикаси таркибига кирган халқлар ички ишларида тўла мустақилликка эга бўлдилар. Ҳокимият фақат ва фақат меҳнаткашларга ва фақат уларга тегишли бўлиши керак" [6].

Большевиклар мазкур масалани ҳал этишда фақатгина "меҳнаткаш оммаси" билан чегараландилар. Бутун миллат доирасида ҳал қилинадиган автономия бериш масаласига синфий тус берилди.

"Голос Крестьянина" газетасида эса советларнинг V ўлка съездида иштирок этадиган делегатларни сайлаш борасидаги "меҳнаткашлар қатламини" кенг жалб қилиш борасида қўйидаги жумлалар кўриш мумкин: "Жойлардан келган делегатлар ўз сайловчиларини талаб ва эҳтиёжлари билан яқиндан билишлари керак. ... Деҳқонлар эҳтиёжлари, муаммоларини ҳаққоний ҳал қилишда деҳқонлардан

чиққан делегатларгина аниқ, тиниқ ёритиб бера олади. Шунинг учун ҳам делегатлар сайлашда ўлка деҳқонлари манфаатидан ёндашиш лозим" [7].

1918 йил апрель ойида Н.А.Кобозев номига Миллатлар ишлари бўйича халқ комиссари И.Сталиндан 1329-сонли телеграмма келади [8]. Телеграммада Туркистон ўлкасидаги қирғизлар орасида пайдо бўлган автоном-буржуа гуруҳларни фoš қилиш ва уларни совет мухториятига жалб этиш, бунда аввал ўлкани буржуазия иллатларидан тозалаш кераклиги ҳақида буйруқ берилган эди. Шунингдек, Миллий ишлар комиссарининг телеграммасида тарғибот вазифаси ҳам кўйилган. Жумладан, "Мухториятни инкор қилмаслик, аксинча уни тан олиш совет ҳокимиятининг навбатдаги вазифаси ҳисобланади. Фақатгина ушбу мухториятни жойлардаги советлар асосида қуриш зарур, фақатгина шу йўл билан ҳокимият халққа хизмат қилади" [9], - дейилади.

1918 йилнинг 20 апрелида Туркистон ўлкаси Советларининг V съезди очилди. Ушбу съезд материаллари фақат русийзабон матбуотда, "Наша газета" [10], "Голос крестьянина" [11] ва бошқа нашрларда ёритиб борилди. Съезднинг кун тартибида Туркистонга ҳақиқий совет режимидаги автономияни бериш асосий масала этиб белгиланди. Съезда оз миқдорда маҳаллий аҳолининг киритилиши эса, халқ бу масалани қўллаб-қувватламоқда, деган тасаввурни уйғотиш учун керак эди.

22 апрелда съезд иштирокчилари совет ҳукумати бошлиғи В.И.Ленин ва Миллатлар ишлари халқ комиссари И.В.Сталиндан телеграмма олди. Телеграммани делегатларга А.С.Клевлеев ўқиб берди: "Ўртоқлар, имонингиз комил бўлсинки, Халқ Комиссарлар Совети ўлкангизда совет негизида тузилган автономияни қувватлайди; бошлаган ишингизни табриклайди ва сизларнинг бутун ўлкада Советлар тузишингизга, мавжуд Советлар билан жуда аҳил ишлашингизга қаттиқ ишонади" [12].

1918 йил 30 апрелда съезд "Туркистон Совет Федератив Республикаси тўғрисида Низом"ни қабул қилди. Низомга кўра, Туркистон ўлкасининг ҳудуди "Россия Совет Федерациясининг Туркистон Совет Республикаси" деб эълон қилинди. Мазкур низомда "Туркистон Республикаси автоном равишда бошқарилади, ўз ҳатти-ҳаракатларини Россия Совет Федерацияси марказий ҳукумати билан мувофиқлаштиради" [13] деб белгилаб берилди.

Шундай қилиб, Туркистонни автоном сифатида бошқарилиши гўё "қонуний равишда" ҳал этилди. "Табрик" телеграммасида келтирилган "автоном" сўзи амалда ўз вазифасини бажара олмади. Съездда олий қонун чиқарувчи орган - Туркистон АССР Марказий Ижроия Кўмитаси тузилди. Унинг раиси қилиб, В.И.Ленин томонидан П.А.Кобозев сайланди. Айна пайтда Халқ комиссарлари кенгаши ҳам ташкил этилди. Бу ҳақда "Голос Самарканда" газетасида "МИҚ қонунларни муҳокама қилиш, Туркистон республикаси эҳтиёжлари учун солиқларни ҳамда турли тўловларни белгилаш, республика даромадлари қай тарзда ва қайси мақсадларда сарфланиши белгилаш ва кўриб чиқиш, шунингдек, совет маъмуриятининг ҳатти-ҳаракатларини кузатиб боради" [14] дейилади.

ТАССРнинг Халқ комиссарлар кенгаши (ХКС) таркиби 1918 йил 30 апрелдаги низомга мувофиқ 14 киши қилиб белгиланади. Бу комиссарликлар таркиби ўлкадаги бошқарув ишларини ўз фаолияти доирасида қамраб олди. Комиссарликларнинг иш жараёнини ёритиб борувчи матбуот органлари ташкил этилган. Улар ушбу комиссарликлар фаолиятига оид маълумотларни тарғиб қилган. Жумладан, Туркистон Компартияси МҚ ва Миллий ишлар халқ комиссарлигининг "Иштирокиюн" ("Коммунист"), Туркистон АССР Маориф халқ комиссарлигининг

"Народный университет", РКП (б) МК Турк-бюроси ва Туркистон Компартияси МК органининг рус тилидаги газетаси "Коммунист", Почта ва телеграф комиссарлигининг худудлардаги "Роста Фаргона", "Наманган", "Роста Қўқон", "Роста Тошкент" газеталари нашр этилди. Хаттоки, Советларининг VI фавкулудда съезди материаллари билан бирга бош қомуси ҳам матбуотда эълон қилинади [15].

Лекин съезд иши якунланганидан кейин ўлкада "автономия" шарафига тантанали намойишлар ўтказилди. Шулардан бири, 11 май куни Шир-Дор мадрасасида "Иттифоқ" партияси томонидан ташкил қилинган митингдир. Бу ҳақда "Голос Самарканда" газетаси шундай баён қилади: "Митингда Миллий ишлар бўйича Бутунроссия марказий комиссариати ҳамда Миллатлар Туркистон ўлка комиссариати аъзоси, ўроқ Клевлеев иштирок этди. ...бир овоз билан ҳар қандай вақтда большевик-коммунистлар раҳбарлигидаги инқилоб пролетариати қаторига қўшилишга тайёр ҳамда тантанали равишда фақатгина Совет ҳокимиятини тан оламиз ва ҳар жойда қўллаб-қувватлаймиз" [16].

Ушбу муҳим тарихий воқеанинг дастлабки кунларидан ўлкада мустамлакачилик сиёсати олиб борилди. Буни маҳаллий сиёсий арбоблар қуйидагича баҳолайдилар: "Ҳозирги Туркистон билан подшо Туркистонни ўртасида ҳеч қандай фарқ йўқ, фақат лавҳа ўзгарди, Туркистон, аввалгидек, чоризм даврида қандай бўлса, шундайлигича қолаверди" [17, Б. 82-83].

Аслида Туркистон АССР қандай давлат бўлиши керак эди?

Туркистонда автономия эълон қилинган, ўлкадаги деярли барча матбуот саҳифаларида коммунистик партия мафкураси илгари сурилган ҳамда бу воқеа ҳақида "Қўқон Мухториятига" қарама-қарши ҳолда турли мазмундаги мақолалар [18] кетма-кет босиб чиқарилди.

Жумладан, "Советский Туркестан" газетасида эса Г.Сталиннинг маърузаси босилиб чиқилди. У "Автономия"ни икки гуруҳга бўлади. У Биринчи гуруҳга, миллатчиликка асосланган "миллий автономия" - буржуа автономияси киришини қўйидагича ифодалайди: "Бу автоном гуруҳлар (мен татар, бошқирд, қирғиз, грузин, арман миллий советлари назарда тутяпман) битта мақсад билан автономликни талаб, қилаётирлар, яъниким, миллий автономия тузилгандан сўнг марказ уларни ишларига аралашмаслиги кераклиги, уларни назорат қилмаслиги керак экан: "Бизга автономликни бериш, шундагина биз марказни тан оламиз, лекин маҳаллий советлар бизни ишимизга аралашмасин. Биз миллий ишчи ва деҳқонларни ўз билганимизча бошқарамиз" - бу буржуазия автономиясини талаби эди".

Сталин бундай автономликни: "...мутлоқ ишчи деҳқон, депутатлар советини йўқ бўлиши, нобуд бўлишига олиб келади"-дейди. Ўз - ўзидан маълумки, совет ҳукумати бундай автономига йўл қўмайди.

Иккинчи гуруҳга совет ҳокимияти ўзи таклиф қилган "пролетар автономия"си киради. Сталин унга шундай баҳо беради: "Ҳеч қандай миллий камчиликларсиз, миллий низоларсиз "автономия" советларники бўлиши лозим, яъни бу дегани бир автономия худудида бир неча миллат яшаш мумкин, уларни қайси миллатга мансублигига эмас, қайси синфга киришига қараб автономликка киритилади. ...автономлик ишчи, деҳқонники, советларники, қайси миллатга мансублигидан қатъий назар пролетар автономияси бўлиши лозим. Ишчи, деҳқон манфаатлари химоя қилувчи автономликдир". [19]

Автономияни талабларидан келиб чиқилса, у фақатгина ишчи-деҳқон

манфаатларини химоя қилмайди. Бу унинг ҳеч қандай қонуниятларига тўғри келмайди.

1924 йилнинг бошларида Ўрта Осиёдаги миллий-ҳудудий чегараланиш масаласи кўтарилди. 1924 йилнинг ўрталарида даврий матбуот нашрларида бошқа масалалар билан бир қаторда Туркистон, Бухоро, Хоразм республикаларининг миллий-ҳудудий чегараланишига доир "Туркистон" [20], "Фарғона" [21], "Туркестанская правда" [22] газеталарида мақолалар сони кўпайди. Газета саҳифаларида бу ғоя яъни, "большевизм сиёсати" диққат марказда бўлиб, амалда қандай бажарилиши муҳокама қилиб борилди. Матбуотда "автономия" бошқаруви четга чиқди ва совет ҳокимияти учун бошқа йўналиш касб эта бошлади. Ўрта Осиё жумҳуриятларида халқларнинг турмушидаги бир неча иқтисодий сабаблар зулми орқасида пайдо бўлган миллий муносабатлар, Ўрта Осиё жумҳуриятларини ислоҳ қилиш, ўлкада яшовчи халқларни миллий жиҳатдан чегаралаб айириш масаласини жиддийроқ қилиб қўйди [23].

1924 йилда "Туркистон" газетасида нашр этилган мақолада совет ҳокимияти учун Туркистонни миллий ҳудудларга бўлиб, уларни идора қилиш анча қулайликларни туғдириши қуйидагича изоҳланади: "Ўрта Осиё халқлари жўғрофий жиҳатдан шундай чегаралансинким, бунинг орқасида у халқларнинг турмушини, эскиликни сарқитларини йўқотиб, миллий тузилишнинг янги даврини, яъни халқларнинг федерация тузилишига ва келгусида бутун миллатлардаги меҳнаткашларнинг иттиҳодига кўчира олудурғон бир шаклда тузулсун" [23].

Ўрта Осиёда миллий-ҳудудий чегаралаш тўғрисида Бухоро ва Хоразм республикаларида қурултолар чақирилди. Бухоро ҳукумати номида Файзулла Хўжаев матбуотда миллий чегараланишга муносабатини билдириб: "...Ҳозирги кунда амалга қўйилмоқда бўлган ушбу қарор, амир ва хонлар ҳам русия дастмойси ва русия жаҳонгирлиги остида эзилган бухоро халқларининг миллий ҳуқуқларини таъмин қиладир. Аммо меҳнаткаш ўзбеклар, ўзларини шўро жумҳуриятлари иттифоқиға бирлашкан бошқа миллат меҳнаткашларидан айрилган деб ҳисобламайдирлар ва шунинг учун ўзбек жумҳурияти шўро жумҳуриятлари иттифоқиға киршка қарор чиқарди. Ўзбек жумҳурияти шўро жумҳуриятлари иттифоқиға киришда ўзининг иқтисодий саодатга эришгусини ва маданий тараққийсини кўрадир. Ва шул сабабдан ул, шўро жумҳуриятлари иттифоқи марказ ижроқўмининг шу иттифоқ ичига олишиға тамоман ишонадир" [24] - деган фикрларни ёзади.

Хоразм Республикаси миллий чегараланишга хайрихоҳлик билдирмадилар. "Туркистон" газетасининг 1924 йил 28 июнь сониди: "Туркистон, Бухоро ҳам Хоразмнинг туркман қисмларини ажратиб, улардан мустақил Туркман жумҳурияти ташкил қилинсун. Туркманларни ажратиб, Хоразм жумҳуриятини ҳозирги ҳолда сақлаб қолунсун ва туркманларнинг Хоразмдан ажралиш шаклини қандай бўлишини, махсус равишда, янги ташкил қилинадурғон жумҳуриятларнинг чегараларини белгилаганда ҳал қилинсун" [25] - деб таъкидланади. Бунинг асосий сабаби олисда турганликлари ва иқтисодий жиҳатдан ажралиб туришларини кўрсатадилар.

Осиёлик таҳаллуси остида "Туркистон" газетасида босилган мақолада қозоқ матбуотида эълон қилинган қуйидаги жумлалар салбий қилиб қабул қилинди: "...қозоқ матбуотида бир неча зиёлий унсурлар бутун қозоқ, ўзбек, туркман халқини тақдири билан ўйнашиб келмақдалар. ... ушбу унсурлар бутун қозоқ миллати номидан ўзбекларни мустамлакачи деб, товуш кўтаришгача жасорат қилдилар.

Лекин, шу фурсаткача ўзбек халқи ва ўзбек матбуоти фигаҳи деб довшини чиқармади. Ниҳоят, яра зўрайди, "миллий чегараларга бўлиш" масаласи ўз-ўзидан чиқиб, қозоқ, ўзбек ихтилофи тусини ола ёзди" [26]. Мақолада шунингдек, миллий чегараларни белгилаш масаласида байналминал руҳда хал этилиши кераклиги, акс ҳолда қозоқ-ўзбек жанжалига айланиб кетади [26] деб хулоса қилинади.

Туркистон аҳолиси учун аҳамиятли бўлган ушбу масала улар учун четлаштириб қўйилганлигини, миллатларнинг ўз тақдирларини ўзлари хал қилиш тамойили асосида "миллий чегараланиш" мавзуси большевиклар ҳукумати томонидан узил-кесил қарор қабул қилинди. Туркестанская правда" газетасида И.Варейкиснинг маърузасида бу ҳақда қуйидагиларни баён қилади: "...чегараланиш кенг деҳқонлар оммаси онгига қандай қилиб сингдирилиши ҳақида аниқ тасаввур йўқ. ...узил-кесил қарорлар қабул қилинган, биз барча аҳолини бу инқилобий ислоҳат билан таништиришимиз борасида кенг компания ўтказишимиз керак бўлади" [27].

1924 йил ноябрь ойида чоп эилган "Туркестанская правда" газетасида Ўрта Осиёнинг миллий давлат чегараларини белгилаш бўйича "буюк тарихий ислоҳот амалий жиҳатдан тўлиқ амалга оширилди"-деб таъкидланади [28]. Мақолада Ўрта Осиёдаги янги Совет республикалари ҳуқуқий жиҳатдан бир неча босқичда амалга ошганлигини эътироф этилади: "Биринчи босқич - Бутунроссия Марказий Ижроия Қўмитаси сессияси ва СССР Марказий Ижроия қўмитасининг мустақил Ўзбекистон ва Туркманистонни эълон қилиш тўғрисидаги қарори, иккинчи босқич - жорий Туркистон МИК, Бухоро, Хоразм қўмиталари ваколатларини тугатиш ва ҳокимиятни янги республикаларнинг инқилобий қўмиталарига ўтказиш, якуний босқичда янги республикалар Советларининг таъсис қурултойлари ўзларининг доимий бошқарув органларини сайлаш" [28].

Юқорида матбуот нашрларида чоп этилган мақолаларда баён этилган масалалар Совет ҳокимиятини томонидан Туркистон ўлкасида "пролетарият ҳокимияти" эълон қилиниши, фақатгина ишчи - деҳқонларнинг манфатига эътибор қаратилган. Уларда Туркистон "автономия"си гўёки, халқнинг асрий бир орзуси сифатида катта хурсандчилик билан қарши олинганлиги акс эттирилди.

#### 4. Хулосалар:

Мухтасар қилиб айтганда, большевикларнинг Туркистонга автономия бериш орқали ўлкада совет бошқарувини мустаҳкамлаш борасидаги фаолияти даврий матбуотда акс этиб борди. Мақолалар мазмунида гарчи ўлка "Туркистон совет Федератив Республикаси", "Туркистон Совет Республикаси", "Туркистон Совет Автоном Республикаси" деб турли номланса-да, аслида ёндашув эскича қолипда эканлигига ишора мавжуд. Совет матбуоти саҳифаларида мазкур тарихий воқеанинг моҳияти бўлган "автономия" талаблари бузиб кўрсатилди.

1924 йил миллий ва русийзабон нашрларида миллий-ҳудудий чегараланиш нафақат Туркистон АССРгига эмас, балки Бухоро ва Хоразм Халқ Республикаларининг ҳам тортилиши масалалари оид мақолалар билан тўлдириб борилди. Мақолаларда Ўрта Осиёни миллий чегаралаш большевиклар томонидан қўллаб-қувватланганлиги кўрсатилади. Туркистон аҳолиси учун аҳамиятли бўлган ушбу масала улар учун четлаштириб қўйилганлиги кузатилади.

#### Иқтибослар/Сноски/References

[1] Назаров М. Туркистон интервенция ва гражданлар уруши даврида (1918-1920 йиллар). -Т: Ўзбекистон ССР давлат нашриёти, 1961. 32-бет. (Nazarov M.

Turkistan in the period of intervention and civil war (1918-1920 years) Uzbekistan USSR state press 1961. P.32).

[2] Бу ҳақда қаранг: Қисқача сиёсий луғат. -Т: Ўзбекистон, 1975. 5-бет; Ўзбекистон Миллий Энциклопедияси. 1 том. Т.: "Ўзбекистон миллий энциклопедияси". 2000. 101-бет; Фалсафа: қомусий луғат (Тузувчи ва масъул муҳаррир Қ.Назаров). -Т: Шарқ, 2004. 12-бет; М.Исмоилов., А.Шарипов. Тарих атамалари луғати. -Т.: Akdemnashr, 2013. 557-бет. (Look about this: Short political dictionary. -Т: Uzbekistan, 1975. P.5; National Encyclopedia of Uzbekistan part 1. T National encyclopedia of Uzbekistan. 2000. P.101; Philosophy: encyclopedic dictionary (compiler and editor in charge K.Nazarov) T: East 2004.P.12; M.Ismailov, A.Sharipov.Dictionary of historical terms. -Т: Academicpress 2013. P.557).

[3] Лилин. К предстоящему съезду. // Голос крестьянин. 1918. 6 апрель (24 март); Телеграмма: Народного комиссара по делам национальностей Г.Сталина на имя чрезвычайного комиссара Средне Азии Кобозева. // Голос Самарканда. 1918. 7 (4) апрель; Наша газета. 1918. 13 апрель; Г. Туркестанская автономия. // Наша газета. 1918. 16 апрель; Воцкий. Ташкент. // Голос крестьянина. 1918. 17 (4) апрель. (Lilin. For the upcoming congress. // The voice of the peasant. 1918. April 6 (March 24); Telegram: People's Commissar for Nationalities G. Stalin addressed to the Extraordinary Commissioner of Central Asia Kobozev. // Voice of Samarkand, 1918. 7 (4) April; Our newspaper. 1918. April 13; G. Turkestan autonomy. // Our newspaper. 1918.16 April; Votsky. Tashkent. // The voice of the peasant. 1918.17 (4) April.).

[4] Расмий қисм. Миллий ишлар комиссариатининг телеграми. // Улуғ Туркистон. 1918. 18 апрель; Туркистон жумҳурияти. // Улуғ Туркистон, 1918 йил 25 апрель; Туркистон жумҳурияти арафасинда. // Улуғ Туркистон, 1922 йил 27 апрель; Туркистонга мусулмон комиссарлар келув муносабатила. // Улуғ Туркистон, 1922 йил 30 апрель; Туркистон жумҳурияти // Хуррият 1918 йил 30 апрель; Туркистон мухторияти эълон қилинди. // Улуғ Туркистон, 1922 йил 3 май; Ўша сонда. Хўқанд мухториятчиларини авф умумий. (Official part. Telegram of the Commission on National Affairs. // Great Turkistan, 1918. April 18; The Turkestan Republic. // Great Turkistan, 1918. April 25; The Republic of Turkestan is on the eve. // Great Turkistan, 1922. April 27; Muslim commissioners arrive in Turkestan // Great Turkistan, 1922. April 30; Turkestan Republic // Freedom 1918. April 30; Turkistan autonomy announced // Great Turkistan, 1922. May 3; In that issue. The pardon of autonomy of the general is general).

[5] Туркистон жумҳурияти // Хуррият, 1918. 30 апрель. (Turkestan Republic // Freedom. 1918. April 30th).

[6] Туркестанская автономия. // Наша газета, 1918 . 16 апрель. (G. Turkestan autonomy. // Our newspaper. 1918. April 16th).

[7] Лилин. К предстоящему съезду. // Голос крестьянина. 1918. 6 апрель (24 март). (Lilin. For the upcoming congress. // The voice of the peasant. 1918. April 6 (March 24).

[8] Телеграмма: Народного комиссара по делам национальностей Г.Сталина на имя чрезвычайного комиссара Средне Азии Кобозева. // Голос Самарканда. 1918. 7 (4) апрель. (Telegram: People's Commissar for Nationalities G. Stalin addressed to the Extraordinary Commissioner of Central Asia Kobozev. // Voice of Samarkand. 1918.7 (4) April).

[9] Телеграмма: Народного комиссара по делам национальностей Г.Сталина на имя чрезвычайного комиссара Средне Азии Кобозева. // Голос Самарканда.

1918. 7 (4) апрель; Расми қисм: Миллий ишлар комиссариятининг телеграми. // Улуғ Туркистон. 1918. 18 апрель. (Telegram: People's Commissar for Nationalities G. Stalin addressed to the Extraordinary Commissioner of Central Asia Kobozev. // Voice of Samarkand. 1918.7 (4) April; Official part: telegram of national works commicary. / / Great Turkistan, 1918. April 18).

[10] Пятый краевой съезд: рабочих, солдатский, крестьянских, Мусульманских и декханских депутатов. // Наша газета, 1918. 20 апрель; Открытие съезда. Советов рабочих, солдат, крестьянских, Мусульманских и декханских депутатов. (суббота, 20 апреля). // Наша газета. 1918. 23 апрель; 2-й день краевого съезда. // Наша газета. 1918. 24 апрель; Zero. 3-день краевого съезда. // Наша газета. 1918. 25 апрель; 4-й день краевого съезда. // Наша газета. 1918. 26 апрель; Zero. 6-й день краевого съезда. // Наша газета. 1918. 30 апрель; 6-й день краевого съезда. // Наша газета. 1918. 1май; Аргус. Положение о Туркестанской Советской Федер. Республ. (Утвержденное пятым краевым съездом советов Туркестанского края 30 апреля 1918 года). // Наша газета. 1918. 5 май; 7-й день краевого съезда. // Наша газета. 1918. 10 май; Закрытие съезда. // Наша газета. 1918. 11 май. (Fifth regional congress: workers, soldiers, peasants, Muslim and farmer deputies. // Our newspaper 1918. April 20; The opening of the congress. Soviets of workers, soldiers, peasant, Muslim and farmer deputies. (Saturday, April 20). // Our newspaper. 1918.23 April; 2nd day of the regional congress. // Our newspaper. 1918.24 April; Zero 3-day regional congress. // Our newspaper. 1918.25 April; 4th day of the regional congress. // Our newspaper. 1918. April 26; Zero 6th day of the regional congress. // Our newspaper. 1918.30 April; 6th day of the regional congress. // Our newspaper. 1918. May 1; Argus. Regulations on the Turkestan Soviet Federa. Republic (Approved by the Fifth Regional Congress of Soviets of Turkestan Territory on April 30, 1918). // Our newspaper. 1918.5 May; 7th day of the regional congress. // Our newspaper. 1918.10 May; Closing the congress. // Our newspaper. 1918.11 May).

[11] Открытие краевого съезда советов солдатских, рабочих, крестьянских и мусульманских депутатов. // Голос крестьянина. 1918. 24 (11) апрель. Шу сонда. П. Заседание краевого съезда солдатских, рабочих, крестьянских и мусульманских депутатов (21 апреля 1918 год); П. Заседание 5-го краевого съезда солдатских, рабочих, крестьянских и мусульманских депутатов (22 апреля 1918 год). // Голос крестьянина. 1918. 26 (13) апрель; Заседание 5-го краевого съезда солдатских, рабочих, крестьянских и мусульманских депутатов (24 апреля 1918 год). // Голос крестьянина. 1918. 28 (15) апрель; Заседание 5-го краевого съезда солдатских, рабочих, крестьянских и мусульманских депутатов (26 апреля 1918 год). // Голос крестьянина. 1918. 1 май (18 апрель); Заседание 5-го краевого съезда солдатских, рабочих, крестьянских и мусульманских депутатов (30 апреля 1918 год). // Голос крестьянина. 1918. 15 (2) май. (Opening of the regional congress of councils of soldiers, workers, peasants and Muslim deputies. // The voice of the peasant. 1918.24 (11) April. Shu Sonda. P. A meeting of the regional congress of soldiers, workers, peasants and Muslim deputies (April 21, 1918); P. The meeting of the 5th regional congress of soldiers, workers, peasants and Muslim deputies (April 22, 1918). // The voice of the peasant. 1918.26 (13) April; The meeting of the 5th regional congress of soldiers, workers, peasants and Muslim deputies (April 24, 1918). // The voice of the peasant. 1918.28 (15) April; The meeting of the 5th regional congress of soldiers, workers, peasants and Muslim deputies (April 26, 1918). // The voice of the peasant. 1918. May 1 (April 18); The meeting of the 5th regional congress of soldiers, workers, peasants and

Muslim deputies (April 30, 1918). // The voice of the peasant. 1918.15 (2) May).

[12] Бу ҳақда қаранг: В.И.Ленин о Средней Азии и Казахстане. -Т: 1957. С. 72; Победа Октябрьской революции в Узбекистане. Т.П. Упрочение советской власти в Узбекистане. -Т: "Фан", 1972. -С.249. (Look at this: V.I. Lenin on Central Asia and Kazakhstan. Т: 1957. S. 72; Victory of the October Revolution in Uzbekistan. Т.П. The consolidation of Soviet power in Uzbekistan. -Т: "Science", 1972. P.249).

[13] Наша газета. 1918. 5 май. (Our newspaper. 1918.5 May).

[14] Скворцов. Исполнительная и законодательная власть Туркест. Края. // Голос Самарканд, 1918. 18 май. (Starlings. Executive and legislative branch of Turkest. The edges. // Voice of Samarkand, 1918. May 18. 1918)

[15] Туркистон жумхуриятининг қонун асосининг охири (Боши ўтган сонда). / Иштирокиюн. 1918. 7 ноябрь.; Туркистон жумхуриятининг қонун асосининг охири. // Иштирокиюн. 1918. 30 октябрь. (End of legal base of Turkestan Republic (last issue) // Get involved. 1918. November 7; End of legal framework of Turkestan Republic // Get involved. 1918. 30 October).

[16] Митинг в матдасе Шир-Дор. // Голос Самарканда, 1918. 14 май. (Meeting in mosque Shir-Dor. // Golos in Samarkand, 1918. May 14th.).

[17] Ўзбекистон совет мустамлакачилиги даврида. 2-китоб. Тузувчилар: М.Жўраев, Р.Нуруллин., С.Камолов ва бошқалар. -Тошкент: Шарқ, 2000. 82-83 бетлар. (Uzbekistan during the Soviet colonial era. Book 2 Developers: M. Juraev, R. Nurullin., S. Kamolov and others. -Tashkent: Sharq, 2000. pp. 82-83).

[18] Санкюлот. Автономия Туркестана и его экономическое развитие. // Голос Самарканда. 1918. 12 мая; Дженари. Две Автономии. // Голос Самарканда. 1918. 14 май; Л.Да хий. На новых путях. // Советский Туркестан. 1918. 18 июнь; Диктатура пролетариата. // Советский Туркестан. 1918. 28 июнь; Туров. Туркистон мухторияти йўлида. // Иштирокиюн. 1918. 10 ноябрь; Миллий аскар. Социализм не нарса?. // Иштирокиюн. 1918. 7 ноябрь. Шу сонда: Милиятлар ва бизнинг миллий программамиз. (Sanctuary. Autonomy Turkestana and ego economics razvitie. // Golos in Samarkand. 1918. May 12; Jenari. Dve Autonomy. // Golos in Samarkand. 1918. May 14; L.DaChi.Not ashit.// Sovetsky Turkestan.1918.June 18; Dictatorship proletariata. // Sovetsky Turkestan. 1918. June 28; Turov. On the way to Turkestan autonomy. // Get involved.1918.November 10; National soldier.What is socialism? // Partici pate.1918. November 7th. In this issue: Miliats and our national program).

[19] Диктатура пролетариата.// Советский Туркестан, 1918.28 июнь.(Dictatorship proletariata. // Sovetsky Turkestan. 1918. June 28th).

[20] Рамз. Миллий жумхуриятлар масаласи. // Туркистон. 1924. 24 май; М. Мирзарахматов. Миллий жумхуриятлар тузиш муносабати билан. // Туркистон. 1924. 27 май; "Оқ Жўл" Темирбой. Ўрта Осиёни миллий чегараларини қараб бўлиш. Маскавдан яқинда қайтқон ўртоқ Хўжаев билан мусоҳаба. // Туркистон. 1924. 26 июнь; Варейкис. Ўрта Осиёда миллий жумхуриятлар масаласи. // Туркистон, 1924. 2, 3, 5 июль; О.Коркаюн. Ўрта Осиё жумхуриятлари (Туркистон, Бухоро, Хоразм)ни миллий жўғрофий жиҳатларидан чегаралаш масаласи тўғрисида маърузачилар учун асослар. // Туркистон, 1924. 28 июль; О. Карклин. Ўрта Осиё жумхуриятлари. // Туркистон, 1924. 29 июль; Исмоилзода. Ўрта Осиёни чегаралаш теварагида. // Туркистон, 1924. 2 август; Осиёлиқ. Ўрта Осиёни миллий жумхуриятларга бўлиш. // Туркистон. 1924. 7 август; Осиёлиқ. Ўрта Осиёни миллий чегараларга бўлиш. / Туркистон, 1924. 13 август; Исмоилзода. Миллий жумхуриятларга бўлиниш масаласи ва фирқа матбуоти. // Туркистон, 1924. 18 август; Ф.Ксенофонтвов.

Миллий чегаралаш тўғрисида эски шаҳар фирқа ячейкаларида қилинган қарорлар. // Туркистон, 1924. 21 август; З.Ефанов Мустамлакаланган Шарқда Ўрта Осиёнинг миллий жумҳуриятларга бўлиниши. // Туркистон. 1924. 27 август; Мусажон. Ўрта Осиёни миллий жумҳуриятларга бўлиш ҳақида. // Туркистон, 1924. 8 сентябрь; Исомухаммедов Иноят. Ўрта Осиёни миллий чегараларда камсамолларнинг вазифаси. // Туркистон, 1924. 20 сентябрь; Ўрта Осиёда миллий жумҳуриятлар. // Туркистон. 1924. 29 октябрь; Нурмат. Октябр ва Ўрта Осиёда миллий жумҳуриятлар. // Туркистон. 1924. 7 ноябрь. (Dictatorship proletariata. // Sovetsky Turkestan. 1918. June 28th; Symbol. The issue of national republics. // Turkiston. 1924. May 24; M. Mirzarakhmatov. In connection with the establishment of national republics. // Turkiston. 1924. May 27; White Road Dividing the national boundaries of Central Asia. An interview with a recent friend from Moscow, Khodjaev. // Turkiston. 1924. June 26; Vareykis. The issue of national republics in Central Asia. // Turkiston, 1924. 2, 3, 5 July; O.Korkayun. Grounds for speakers on national geographical separation of Central Asian republics (Turkistan, Bukhara, Khorezm). // Turkiston, 1924. July 28; O. Karklin. Republics of Central Asia. // Turkiston, 1924. July 29; Ismailzoda. Across the border of Central Asia. // Turkiston, 1924. August 2; I am Asian. Division of Central Asia into national republics. // Turkiston, 1924. August 7; I am Asian. Dividing Central Asia into national borders. // Turkiston, 1924. August 13; Ismailzoda. The issue of division into national republics and the sectarian press. // Turkiston. 1924. August 18; F.Kenofontvov. Decisions about the national boundaries in old town batch cells. // Turkiston, 1924. August 21; Z. Efanov The division of Central Asia into national republics in the colonized East. // Turkiston, 1924. August 27; Musagon. On dividing Central Asia into national republics. // Turkiston. 1924. September 8; Isomammedov Inoyat. The task of the poor on national borders of Central Asia. // Turkiston. 1924. September 20; National Republics in Central Asia. // Turkiston, 1924. October 29; Thanks. October and the Central Asian republics. // Turkiston. 1924. November 7).

[21] Алиеф Х. Ўрта Осиё миллий жумҳуриятларга бўлиш теварагида. // Фарғона, 1924. 21 август; Ўзбекистон жумҳурияти ўз пойдеворини қурди. // Фарғона, 1924. 24 ноябрь. (X. Alief. Central Asia is on the verge of dividing it into national republics. // Ferghana, 1924. August 21; The Republic of Uzbekistan has laid its foundations. // Ferghana. 1924. November 24).

[22] Национально-государственное размежевание Средней Азии (доклад тов. Каркина). // Туркестанская правда, 1924. 2 сентябрь; Национально-государственное размежевание Средней Азии. // Туркестанская правда, 1924. 5 сентябрь; Национально-государственное размежевание Средней Азии. // Туркестанская правда, 1924. 8 сентябрь; Национально-государственное размежевание Средней Азии. // Туркестанская правда, 1924. 9 сентябрь; В Восьмой год по октябрьской истории. // Туркестанская правда. 1924. 2 ноябрь; Советский социалистический Узбекистан. // Туркестанская правда, 1924. 21 ноября. (National-State demarcation of Central Asia (report of Comrade Karkin). // Turkestan truth, 1924. September 2; National-State delimitation of Central Asia. // Turkestan truth. 1924. September 5; National-State delimitation of Central Asia. // Turkestan truth, 1924. September 8; National-State delimitation of Central Asia. // Turkestan truth. 1924. September 9; In the eighth year of October history. // Turkestan truth, 1924. November 2; Soviet socialist Uzbekistan. // Turkestan truth, 1924. November 21).

[23] Осиёлик. Ўрта Осиёни миллий чегараларга бўлиш. // Туркистон, 1924. 13 август. (Asian. Dividing Central Asia into national borders. // Turkiston, 1924. August

13th).

[24] Ўрта Осиёда миллий жумҳуриятлар. // Туркистон. 1924. 29 октябрь. (National Republics in Central Asia. // Turkiston, 1924. October 29th).

[25] Коркаюн О. Ўрта Осиё жумҳуриятлари (Туркистон, Бухоро, Хоразм)ни миллий жўғрофий жиҳатларидан чегаралаш масаласи тўғрисида маърузачилар учун асослар. // Туркистон, 1924. 28 июль. (Korkayun O. Grounds for speakers on national geographical separation of Central Asian republics (Turkistan, Bukhara, Khorezm). // Turkiston. 1924. July 28).

[26] Осиёлик. Ўрта Осиёни миллий чегараларга бўлиш. // Туркистон, 1924. 13 август. (Asian. Dividing Central Asia into national borders. // Turkiston, 1924. August 13th).

[27] Туркестанская правда. 1924. 15 сентября. (Turkestanskaya Pravda, 1924. September 15th).

[28] Советский социалистический Узбекистан. // Туркестанская правда. 1924. 21 ноябрь. (Soviet Social Uzbekistan. // Truth of Turkestan, 1924. November 21).

## ЎТМИШГА НАЗАР

---

## ВЗГЛЯД В ПРОШЛОЕ

---

## LOOK TO THE PAST

**№1 (2020)**

**Контакт редакций журналов. [www.tadqiqot.uz](http://www.tadqiqot.uz)**

ООО Tadqiqot город Ташкент,  
улица Амир Темура пр.1, дом-2.

Web: <http://www.tadqiqot.uz/>; Email: [info@tadqiqot.uz](mailto:info@tadqiqot.uz)  
Тел: (+998-94) 404-0000

**Editorial staff of the journals of [www.tadqiqot.uz](http://www.tadqiqot.uz)**

Tadqiqot LLC The city of Tashkent,  
Amir Temur Street pr.1, House 2.

Web: <http://www.tadqiqot.uz/>; Email: [info@tadqiqot.uz](mailto:info@tadqiqot.uz)  
Phone: (+998-94) 404-0000